



## **Aningaasaqarnermut Nunamullu Namminermt Naalakkersuisoq**

**Dato:** 27. november 2014  
**J.nr.:** 01.31.06/14-00681

### **Aningaasaqarnermut Akileraartarnermullu Ataatsimiititaliap sisamangornermi ulloq 27. november 2014-imi aalajangiineranik Naalakkersuisunut ilisimatitsineq**

#### **NunaMinerals A/S-imut aningaasaliissutissanik atorniarnissap allangortinne- garnissaanut pisinnaatitaaffiliinissaq. (Suliaq nr. 01.31.06/14-00681).**

Naalakkersuisut **inassutigaat**,

- “konto pingaarnermi 10.13.11-imi, aktiaateqarluni ingerlatseqatigiiffinnut aningaasartuutininut tunngasumi, ilanngussaq 1 naapertorlugu oqaasertaliussap nr. 2-p nutaap ilanngunneqarnissaa
- konto pingaarnermi 10.13.11-mi, aktiaateqarluni ingerlatseqatigiiffinnut aningaasartuutininut tunngasumi, ilanngussaq 1 naapertorlugu oqaasertaliussap nr. 3-p nutaap ilanngunneqarnissaa.”

#### **Aningaasaqarnermut Akileraartarnermullu Ataatsimiititaliap oqaaseqaatai**

Aningaasaliissuteqarnikkut NunaMineralsimut 4,5 mio. kr.-inik tapiissuteqarnissamik Naalakkersuisut inassuteqaataat Aningaasaqarnermut Ataatsimiititaliamit tallimangornermi ull. 7. november akuerineqarpoq.

Qinnuteqaammut ilanngussami 1-imi allassimavoq ilaatigut ingerlatseqatigiiffiup aningaasaqarnikkut maanna aaqqissuussaanerata niuerfinni aningaasat nalingi naapertorlugit aktianik nutaanik tuniniaanissaq periarfissaqanngitsoq. Taamaattumillu 4,5 mio. kr.-it pineqartut taarsigassarsiatut, kingusinnerusukkut aktiannortillugit allangortinneqarsinnaasutut, tunniunneqarnissaat Naalakkersuisut toqqarpaat.

Suliaq aningaasaliissutitigut eqqortumik suliarineqarnissaa qulakkeerumallugu oqaasertaliussaq nr. 2-p aamma nr. 3-p ilanngunneqarnissaat pisariaqarpoq.

Kontomut pingaarnermut 10.13.11-mut, aktiaateqarluni ingerlatseqatigiiffinnut aningaasartuutininut tunngasumut, oqaasertaliussat uku ilanngunneqassapput:

”**Nr. 2.**

Naalakkersuisut pisinnaatitaaffilerneqassapput annerpaamik 4,5 mio. koruuninik NunaMinerals A/S-imut ilaannakuusumik tamakkiisumilluunniit atukkarsinnaalissallugit, taamaasiortoqarneratigummi akiitsut aktiannortinneqarsinaalersinnaaniasammata.

Nr. 3.

Naalakkersuisut pisinnaatitaaffilerneqassapput aningaasat atunngitsoorsimasat ukioq aningaasarsiorfiusup tullianut nuunneqarsinnaalersillugit.”

Kontomut pingaarnermut 10.13.11-mut, aktiaateqarluni ingerlatseqatigiiffinnut aningaasar-tuutitut tunngasumut, oqaasertaliussamut oqaaseqaatit uku ilanngunneqassapput:

”Nr. 2.

Oqaasertaliussamut nr. 2 ilanngunneqassaaq, taamaasiortoqarneratigut Naalakkersui-sut pisinnaatitaaffilerneqarniassammata NunaMinerals A/S-imut tapiissutitut aningaasaliussassat 4,5 mio. koruuniusut ilaannakuusumik tamakkiisumilluunniit atukkiinertut isigineqarsinnaalerniassammata kingunerisaanillu piginneqatigiissutitut tassa aktiatut tamatuma kingorna pilersinneqarsinnaaniassammata.

Aningaasaliissutit 4,5 mio. koruuniusut tunniunneqarpata ilaannakuusumik tamak-kiisumilluunniit NunaMinerals A/S-imut atukkiunneqassapput, taamaaliortoqarnera-tigut NunaMinerals A/S-imut Namminersorlutik Oqartussat eqaannerusumik periuseqarsinnaalerniassammat.

NunaMinerals A/S-imut aningaasaliissutissat 4,5 mio. koruuniusut Aningaasaqar-nermut- Akileraartarnermullu Ataatsimiititaliamit ulloq 7. november 2014 akuer-sissutigineqarput.

Oqaasertaliussaq nutaajuvoq.

Nr. 3.

Aningaasat atunngitsuukkat ukioq aningaasarsiorfiusup tullianut nuunneqarsinnaaler-nissaannut oqaasertaliussap Naalakkersuisut pisinnaatitaaffilissavai. NunaMinerals A/S-ip 4,5 mio. koruuninik tapiiffigineqarnissaa NunaMinerals A/S-ip siunissaa pillugu 2015-ip aallartilaarnerani ataatsimeersuassutigineqareerpat aatsaat aningaa-saliissutitut imaluunniit atukkiinertut tunniunneqarsinnaalernissaannut taama pisinnaatitaaffiliinerup kingunerissavaa.

Oqaasertaliussaq nutaajuvoq.”

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasa-qarnermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap siulittaasua t